


1

欽定
三卷
軒遺

州錄一卷
楊峴題





0544M

29 JAN 1952

題辭

匡楹第

平山佳氣接黃山，秀毓蛾眉豈等閒。似此真教花燦筆，
何人更詡玉如顏。賈生漫據文章席，謝女應推粉黛班。
阿閣千重起雲際，碧梧高處隱仙鬟。

所居號碧梧軒

九叔

冰樣聰明雪樣膚，愛才端合屬吾徒。裁雲量月俱成錦，
摘豔薰香盡是珠。弱女能詩原是福，美人多恨究何辜。
挑燈今夕重開卷，都講應從海內呼。

自是情真味耐尋，一千里外勝兼金。却將碧玉騷人筆，
寫出紅牙小妹心。渺渺春愁花在鏡，悒悒秋思月當林。

可憐多少思親淚都作纏綿哀怨吟

三姑

風入秋窗冷深宵欲睡遲一聲飛雁過千里故鄉思別
久翻無夢愁多轉自迷連朝慵刺繡三復碧梧詩
香閨吟咏憤豈是俗釵裙俏影憐明月靈心契錦雲繡
餘惟覓句情至即生文翹首新安月何嘗遜二分

二姑

癩卜燈花厭鵲喧涼風蕭瑟掩柴門即今閨閣誰知己
如此湖山非故園舊夢屢醒明月夜新詩還憶碧梧軒
一年別緒三秋感題入瑤編媿俚言

十一姊

如何姊妹隔天涯夢裏雲山道路賒一卷新詩重展讀

教儂不敢怨桃花

春閒妹未旋里時
曾作桃花詩索和

菊又芳芳桂未殘低吟俏詠夜窗寒美人風韻才人筆
莫作尋常粉黛看

三兄

阿妹具僊才閨房增韻事愧我真難兄未能贊一字

唐
人無字
碑體

五弟

一朶芙蓉秋水開迴環讀罷又低徊美人細意驚人句
知是當年詠絮才

絕世才華女丈夫應教名士媿仙姝可知不是閒脂粉

一字吟成一顆珠

叢桂風來香更多披函幾度愛吟哦笑儂詩興因秋減
不是愁魔卽病魔

葭蒼露白動遐思記得河干送別時花自翩翩人自遠
長吟唐棣一篇詩

七弟

密咏恬吟寫性情由來冰雪是聰明新安山色揚州月
賦入篇章一樣清

桑梓迢迢遠莫將怎教離久恨偏長挑燈讀到思親句
掩卷無言轉自傷

大姪

盃薇三復碧梧詩涼夜挑燈默默思明月當窗星在戶
秋光又到菊花時

煙花三月別揚州又是梧桐落葉秋一卷珠璣隨雁至
香奩才調自風流

謝家詩句薛家箋筆底花開字字妍從此新安添韻事
人人爭誦女青蓮

放懷我亦愛吟哦浣讀臨風觸興多今夜月明千里隔
不知詩思竟如何

姪婦

碧梧靈秀地寄興託芳思月露風雲製都成絕妙詞

胡培系

綠窗風定檢瑤編觸我愁懷一惘然敢謂才情矜絕代
但將哀樂寫中年因緣翰墨三生證身世滄桑百感牽
省識廬山真面目亂頭麤服也堪憐

麗質曾推錦繡叢詩人一例總工窮讓人微佩誇凡豔
諒我簞瓢守素風見著祖鞭心未已勸投班筆氣猶雄

那堪廿載唐衢淚辜負燈花幾度紅集中送余金陵應
舉詩有卜君佳兆

有燈花
之句

平生蹤跡徧天涯鳳泊鸞飄亦自嗟揚子江頭桃正綺

集中後院桃花
詩在揚州時作美人湖上藕初花集中有湖上納涼句
云十里荷香吹不散

晚風涼透
薄羅衫雪泥曩日留鴻爪烽火頻年望虎牙回首可

憐歌舞地用杜
句懷人都付墨痕斜有閨中懷
人詩壹卷

西風一櫂溯湘湖萬里依人夢亦孤碧海幾時逢斷雁

青山何處哭童烏集中紀夢詩
哭處兒作芳攀楚澤愁無奈草綠

江南困未蘇會見妖氛消午夜故鄉風味足尊鱸時客
武岡

叢筆軒遺藁卷一

儀徵孫采芙

壬寅仲夏隨侍祖慈避夷氛北上途次有作

忽作無家客飄零百感生
母居邗水上父隔海州城
骨肉各分散干戈新戰爭
孤篷何處適飲泣不成聲

冬日卽事

空庭獨坐擁輕裘鎮日重簾懶上鉤
綠萼一瓶詩一卷靜中消受不知愁

梅花

窗外瓊枝放迎寒韻獨清
影同儂樣瘦寫月最分明
曉起

深實情愛話凄自

深閨曉起悄無聲，經宿香殘篆不成。欲理鬢雲偏怯冷，惱他霜氣隔簾生。

冬日偶題

小倚薰籠坐，晴窗倦繡時。遣愁欣得計，展讀古人詩。

夜雨

連宵淅瀝近粧臺，添得新愁撥不開。未許阿儂輕入夢，聲聲寒到枕邊來。
添輕字下得妙

詠鏡

清光燦爛影團圓，挂上珊瑚百鍊堅。昨夜偶忘收入匣，幾回疑月墜窗前。

月季花

花開花謝四時同，別有芳姿鬪雪中。桃李任誇春富麗，笑他終是眼前紅。

寒夜聞鐘

靜夜霜華重，寒鐘送更清。聲聲來枕上，塵夢幾回驚。

四宜樓晚眺

倦倚雕欄坐，凝眸望正除。空山餘落日，老樹集昏鴉。市遠塵囂靜，風高雁影斜。忽來一聲磬，寺隔水之涯。

描花

下筆旋教影逼真，屢看活相屢凝神。近來覺得鴛鴦古，花樣如何便可人。

唾絨

小閣拈鍼度尙遲，輕紅一縷擘絲絲。
癡心似恐胭脂妒，最是粘唇欲唾時。

穿鍼

深宵底事獨低頭，綵線拈來乙乙抽。
小婢癡愚疑乞巧，笑儂忘却上鍼樓。

刺繡

辛勤漫說女紅多，遣悶原宜刺綺羅。
近喜日長添一線，工夫餘得好吟哦。

碧梧軒偕弟妹玩月

清光皎潔影團圓，耐得遲眠幾度看。
忘却夜深霜露重，恐寒同倚畫闌干。

思父

滿窗風雨夜遲遲，觸起思親淚暗垂。
幾度挑燈追往事，去年今日是歸期。

冬日曉粧卽事

朦朧睡起忽侵晨，敢謂深閨掠鬢勻。
艸艸盤鴉無緒整，殷勤先侍白頭人。

余因愛吟咏屢爲家慈所呵作此自解

其奈萱堂叱責何，癡心終是愛吟哦。
因思美刺關風化，畢竟詩中獲益多。

寒夜

空庭岑寂漏聲殘，一盞燈昏夢未安。
寒夜近人光淡淡，

悄移梅影上闌干

黃紉秋夫人以訪桂秋柳二詩索和即用原韵各賦一律

祇爲尋秋到小山更邀姊妹共偷閒踏來黃葉深深路
行徧青蘋曲曲灣香氣時移風裏過玉枝曾擬月中攀
好花若解詩人意休負今朝一往還訪桂

蕭疏一帶短長亭雨冷風淒不可聽少婦粧樓前度怨
羈人客舍舊時青曲歌金縷人何在秋老陽關序易經
待到來年寒食候蠻腰依舊舞娉婷秋柳

雞

辛勤唱徹五更天午夜司晨劇可憐漫道棲埒終抱拙

談經曾自近高賢

雪美人

連朝呵凍細摩挲賺得傾城妒若何玉質空憐多皎潔
冰心終覺欠溫和倘教解語應知已縱使無情亦任他
誤作熱腸癡女看忍寒階下幾回過

哭妹

傷心捨地更呼天知再相逢欠夙緣漫說芳齡猶尙幼
臨亡數語最堪憐

一朝父子相隨去新塚荒涼共月斜痛絕燈前無限楚

一聲小妹一聲爺距先嚴見背僅日百

聞雁有感

聲聲側耳暗悽然，綵線難將珠淚穿。爾自驚寒儂悼逝，一般心事有誰憐。

待雪

彤雲鎮日布天街，隔牖關心觸冷懷。小婢差知儂意緒，茶鐺先已巧安排。

贈家三嫂

泠泠一曲渺綿音，絃外分明味耐尋。調古漫言知者少，聽花公子早驚心。

三兄有聽花圖

前身應是玉堂仙，橘裏消磨又一年。我本野人渾不解，可容領悟立柯邊。

偶然著手便成春，格仿簪花筆有神。欲向茜窗勤捧硯，

敢云儂亦箇中人。

對花寫照最堪憐，恰好芳名稱澹仙。繪得玉梅三百樹，知君欲續舊時緣。

春花秋月比無疑，親炙心情久自期。合贈前賢詩一句，淡粧濃抹總相宜。

題九叔浣花圖

關心人在綠楊邊，香亂紅飄劇可憐。似恐芳姿成小劫，清波一掬水紋圓。

小泊輕舟隔水津，落花如雨一溪新。阿儂不是閒桃李，可許從游畫裏人。

除夕感詠

光陰荏苒易推遷，事事傷心在目前。小妹不知亡父苦，牽衣猶索買花錢。

七叔新春日抵家喜而賦此

那堪時節又迎新，帖翦宜春正及辰。纔立青旛心竊喜，還家先有竹林人。

人日試筆

庭前消息報春回，嫩柳含青梅競開。閒坐小窗呵凍管，欲題詩句暗低徊。

鶴

梳翎刷羽總幽遐，曾近孤山處士家。骨自清癯心自潔，此身原合伴梅花。

七弟以繡蘭竹鑰匙套索詩，率成二十八字

花花葉葉兩參差，正是閨中繡出時。一解虛心一化善，佩身都可盡吾師。

寄懷張先生海陽

屈指睽離日，韶光兩度經。梅花纔破臘，芳草又盈庭。道遠書難寄，愁多酒易醒。挑燈思往事，夙德尚餘馨。

初春偶作

東風拂拂日遲遲，小倚闌干嬾莫支。覺比去年春較早，梅花紅徧過牆枝。

白梅

生小清奇愛淡描，羅浮香夢憶寥寥。東風一夜催芳訊，

疑是枝頭雪未消

紅梅

一庭絳雪暗生香，麗質原宜近夕陽。却笑癯仙太輕薄，紅衣也愛學時粧。

瓶梅和七弟

枝枝遍插膽瓶中，珍重冰魂供綺櫳。對此清癯貪久坐，維持有意避東風。

春日偕閨中諸姊妹泛舟湖上

小舟輕泛夕陽邊，指點韶光又一年。春水半篙芳草岸，東風十里杏花天。不妨暢飲心拚醉，正好聯吟句奪先。隱約樓臺最堪愛，綠楊深護萬條煙。

仲春郊外散步

出郊一碧草無涯，正好春光處處皆。邀得東鄰諸女伴，紅羅齊試踏青鞋。行行頓覺樂忘歸，極目風光春正菲。一路菜花香不斷，惱他蝴蝶逐人飛。

後院桃花盛開爰成一律

帶雨和煙樹樹紅，芳姿開徧小園中。漫言春色從無主，別有天香自不同。灼灼最宜含曉露，天天原合笑東風。凭欄我欲題詩句，疑是桃源入畫工。

春柳

當窗縷縷復絲絲，正是江南二月時。藏得流鶯輕弄舌，

聲聲百轉最高枝

春風二月快如刀，細葉輕裁翠萬條。鎮日起眠渾不定，依依綠偏小紅橋。

對鏡

揭開翠幙露清光，愁對菱花思轉長。默默自憐還自惜，連朝憔悴不成妝。

將歸里門留別三姑

何時窗下共拈鍼，事事思量悵轉深。莫訝暗中頻拭淚，最難離別是知心。

留別三嫂

詩成寄語好珍收，雪爪分明有意留。獨涉忽驚千里別，

相思空縮一生愁。手當握處心先碎，情到深時淚易流。如此煙花正三月，歎儂無福住揚州。

留別五弟

唱罷驪歌倍黯然，相逢未卜是何年。回思覓句花陰下，從此推敲各一天。

留別大姪

正值桃花滿院紅，那堪分手各西東。含愁屢欲畱詩句，其奈愁深句未工。

畱別七弟

廿年姊弟一朝分，淚灑臨歧欲斷魂。握手丁寧無別語，雙慈賴爾侍晨昏。

留別閨中諸女伴

萬千愁緒亂離思，正是深閨握別時。行到臨歧猶掩泣，此身原是女兒癡。

舟夜有感

一篷風雨漏遲遲，觸我離懷動我思。獨客漫云飄泊慣，最難消受夜深時。辜負高堂望倚門，他鄉無復侍晨昏。寸心欲報春暉德，話到劬勞倍斷魂。

舟夜屢不成寐口占一絕

篷窗悄倚夜淒淒，夢不成眠思欲迷。殘月易斜天易曙，連宵聽熟五更雞。

舟中對月有感

篷窗啟處月澄清，一望長河徹夜明。身在異鄉看不得，白無聲裏最傷情。

江行

長江滾滾水連天，雲樹蒼茫絕可憐。增得離愁何處是，綠楊花撲滿船煙。

季春十日舟夜聞雷有感

陰雲四野罩孤篷，霹靂聲聲響太空。最是客中當此夕，夢魂無計到家中。

舟泊燕子磯

樓臺隱約水雲中，客裏探幽泊短篷。應笑磯頭癡燕子，

年年無語向東風、

癸卯莫春同鄉吳太夫人攜令媳諸夫人歸里附舟偕往極荷高情既相逢而恨晚復換櫂以分行默默寸心不忍輕別爰賦短章聊以志感相逢何幸得同槎恨晚心同各自嗟底事夕陽芳草岸又吹風笛各天涯

送春

春去匆匆最可憐詩情別恨一時牽癡心欲倩楊枝綰無柰楊花飛滿天一庭紅雨送春殘撫景追懷未忍看怪底鶯聲連日急夢魂飛不到江南

于歸里門後書寄舍弟

小窗倦倚觸離思愁極翻教結夢遲家寄卅江身練水歸甯知否是何時

病中有感

瞳瞳紅日上雙扉強起支持倚翠幃病裏思親心愈切連朝無計破愁圍

小樓夜雨寄懷姑姊妹

滿樓風雨觸淒涼剔盡殘燈心更傷欲寄相思先拭淚說詩無復夜連牀

夏夜憶母

臨風一榻不成眠仔細思量恨萬千有母未能勤奉侍

問安空自寄吟箋

病中寄弟

連朝廢寢更忘餐，千里烏私欲遂難。
獨對殘燈眠不得，背人猶自淚偷彈。

舅氏以詩見示賦呈一律

年來何幸捧瑤章，讀罷依依興欲狂。
七字敲成梅共瘦，連篇書就筆生香。
才爭杜牧丰神遠，品入司空意味長。
白雪陽春賡未得，新安應貴紙千張。

懷七弟

手足情原切，傷心雁失羣。
廿年如幻夢，一別等浮雲。
髮禿空憐母，身微更念君。
寄言須努力，定省賴殷勤。

答姪婦

千里詩來抵萬金，盪薇幾度短長吟。
知君有意垂青眼，愧我無才寫素心。
關草分花曾昔日，停雲落月忽而今。
可憐多少相思苦，盡付清風一曲琴。

憶母

心爲思親手慣捫，連宵歸夢總昏昏。
可憐覺後家何在，枕上惟餘淚漬痕。

癸卯端陽感詠

那堪佳節又端陽，回首思量亦可傷。
曾記去年今日事，菖蒲泛酒勸高堂。

連日雨

近來無計解愁圍，坐困濃陰靜掩扉。
籬角蒼苔牆角草，眼看滋得十分肥。

小樓對月有感

憑欄無語欲何爲，又見天涯月一規。
對此清光當此夜，教人怎不淚先垂。

秋夜

靜到無聲小院空，半窗月色淡朦朧。
涼宵自愛挑燈坐，萬里山河在鏡中。

新月

不識蛾眉比得不一彎，斜挂柳梢頭。
分明纖影樓前照，彷彿珠簾欲上鉤。

甲辰二月十八日年屆再旬感賦一律

花正芬芳酒正香，忽逢今日倍思量。
春慚馬齒空加長，願切烏私卒未償。
命薄早教悲失怙，形單翻似遠離鄉。
漫將二十稱初度，賦入新詩亦自傷。

叢筆軒遺藁卷二

儀徵孫采芙

七夕同外子作

金鑪馥馥辦香焚，瓜果筵前細語聞。
儂自穿鍼郎握管，與郎乞巧願平分。
碧天如水夜迢迢，人到佳期慰寂寥。
私向雙星爲君祝，年年聚首似今宵。

讀王采薇夫人長離閣詩稿題後

仙蹤偶爾來金屋，鸞駕翩然返玉京。
哀豔才華李昌谷，自然風韻許飛瓊。
多情有壻同吟月，薄命如渠悵落英。
一讀遺編一長歎，挑燈開卷試閒評。

外子屬製錦囊贈鍾石卿茂才以貯名刺爲題二

十字

磊落欽懷抱疎狂想性情袖中磨半刺誰解薦禰衡

外子自杭州歸里作此贈別

傾心容易聚頭難乍聽驪歌感萬端如我敢言恩分淺
勸君須放悶懷寬魂因遠別牽難住淚到瀕行忍不彈
檢點征衣倍惆悵落花風裏尙輕寒

繞枝烏鵲本無依艸艸行裝百念違此去未同封馬鬣
外子歸里營葬再來莫忘泣牛衣離愁長似吳蠶縛別夢遙隨
越燕飛回首第三橋畔路錢春時節望君歸

外子行次嚴州以詩見寄感賦二絕

開函伸紙淚潸然無限離愁不忍眠欲卸晚粧無意緒
畫眉人去暮春天

半櫺昏月影淒淒斜倚粧臺意欲迷剔盡殘燈衾似水
憐他嬌女向人啼

寄弟

困人天氣熟梅天病裏光陰又隔年檢點衣裳容我懶
較量藥水受君憐長齋供佛朝同禮小閣談詩夜未眠
歡笑劇難離別易前塵回首忽如煙
自送春帆出渡頭江深草閣已如秋填胸祇飽珊珊淚
刻骨難消的的愁會記米鹽同瑣屑忍忘牖戶費綢繆
幾時重話西冷月遙盼嚴灘一葉舟

夏日湖上納涼偕子繼登飛來峰至翠微亭小憩
薄暮始歸

攬衣直上御風行，古佛低眉處處迎。不識飛來可飛去，
與君石上證三生。
層層螺髻碧空嵌，激澗湖光一鏡涵。十里荷香吹不散，
晚風涼透薄羅衫。

送外子金陵應舉

西風催送片帆斜，細檢行裝暗自嗟。伴我愁容惟鏡影，
卜君佳兆有燈花。明珠未必終投暗，白璧何妨任摘瑕。
去年拔萃以書見擯期子泥金消息早歸時弱女解牙牙
別已四日計程當過蘇門寄懷一絕

布帆曾否下江東，繫纜楓橋葉正紅。此夜還家應有夢，
鐘聲莫到客船中。

寄外

涼風蕭瑟雨翻盆，點點敲窗欲斷魂。枕上詩情正無限，
聯牀何日細重論。
牙籤萬軸共摩挲，別後駒光一瞬過。燈下背人常默默，
遣愁無計奈愁何。
凭闌無興夜遲遲，緒惹情牽嬾不支。分手明知纔半月，
捧心常覺已多時。
小樓默坐暗低徊，十二紗窗嬾不開。忽聽飛鴻天外至，
癡心疑有尺書來。

情思但至以爲
感人

不寐有懷子繼

寸心渺渺更誰憐，倚遍層樓眼欲穿。
歸計難憑潮有信，離懷常覺日如年。
嬾隨女伴凝粧坐，愁共嬌兒待月眠。
夢醒不知鴛枕冷，一聲南雁曉霜天。

寄子繼金陵

憶別君容已六旬，相思朝夕獨含顰。
囊空敢道持家易，室罄偏逢歉歲頻。
握手不忘臨別語，傾心肯負再生因。
癡情早已深如許，珍重征衣莫染塵。

與弟別一年矣今春重至武林書此贈之

去年今日杭州別，異地同心繫我思。
記否江干各分手，落花如雨獨行時。

題采菱圖

菱葉青青菱角攢，湖光一片碧波寬。
阿儂不識睂深淺，試采菱花作鏡看。

婉綠嬌紅處處秋，木蘭輕泛水風柔。
歡如菱葉參差貌，妾似菱絲宛轉愁。

哭女即寄外子武林

八首錄六

搥床擣枕奈何天，底事黃楊厄閭年。
三載恩情何太淺，珠擎掌上一時捐。

聰明事事劇堪悲，一語酸辛齒落時。
病到垂危偏解事，寸心仍是戀慈帷。

血淚雙拋氣若絲，肝腸寸斷命將危。
可憐客地無錐立，

字之
讀

痛絕嬌兒含殮時

事到難回欲問天可能重結再生緣追思往事情難割
何日依然繞膝前

猶憶牽衣悄悄言呼娘欲赴阿爺前那知從此天倫盡
祇得匆匆一面緣

汝父書來淚暗滋屬兒眠食善扶持誰知尺素封函日
正是明珠碎地時

附外子悼女詩

齒落先徵夢不祥書來字字斷愁腸傷心節序剛寒
食失意懷況異鄉已是無家同杜老不應折福到
平陽年來淚已無乾處又向天涯哭一場

麻衣纔廢蓼莪篇那更摧殘兩壁連死別況經千里
道奇哀都併九秋天竟無丹藥延殘喘同是黃楊厄
閏年一事輸兒差勝我泉臺骨肉得團圓

依稀往事溯從頭取印摘毫未合休似母聰明憐骨
秀肖爺風格憶睂修曇花但作空中色萱草難銷別
後憂愁過第三橋畔路記兒生日在杭州

畫樓臨水綠陰欹正喜珠擎掌上時兆卜燈花誇阿
嬾筵開湯餅約鄰姬雲鬟亂挽春寒重藥裏親操夜
漏遲回首前塵忽如夢霎時歡聚亦堪悲

驀然平地忽風波鴟嚇鵠雛恨奈何不意含沙工射
影何期入室竟操戈覆巢尚冀完遺卵繞樹終難返

舊柯慚媿三年爲爾父平安時少亂離多

客裏曾拚一面緣近中秋節已涼天低聲屢欲呼燈

下解意依然繞膝前二豎何心仇弱質雙魚無計達

重泉篋中未遂含飴願一檢行裝一泣然

袖薄天寒悴不支深閨藉爾展愁眉煩更多難從偷

活但博承歡願忍飢夢裏至今餘涕淚客中誰與共

扶持貧家百樣飄零感九死難求續命絲

痛絕桐棺二尺軀牙牙早已識之無多情本隸神仙

籍小叔偏驚鬼伯符何處青山堪瘞玉幾時合浦更

還珠再來合作癡兒女莫令人間羨紫姑

追痛先姑章太夫人

太夫人歿於里第

采芙時

在維揚得耗已逾百日痛

不欲生追思往事泣血濡毫書此志痛卽寄外子

讀君書罷淚千行搶地呼天暗自傷默默自思慚婦職

靈前未奠酒三觴

隻身千里寄江濱欲觀音容願未伸痛斷肝腸空自泣

泉臺可曉苦心人

有負慈恩數載深思量往事涕沾襟劬勞未報親先逝

痛殺流離游子心

運蹇家亡事可傷那堪萍梗泛他鄉先靈若有憐兒意

早振門閭降吉祥

外子以禽言見寄戲題紙尾卽效其體

不如歸去昔日同巢今日天涯住似水流年轉瞬匆匆
度妾貌空如鏡裏花郎身莫作風前絮幾時共宿交枝
樹曷不歸去謀牖戶歸去歸去

秋燕四首 用王漁洋秋柳韻

烏衣巷口最銷魂蘆雪蕪煙正映門翠幕又牽今日恨
紅泥猶賸舊時痕離情渺渺雲千里絮語喃喃葉半村
十二珠簾花落後淒涼往事不堪論

牀前昨夜月如霜幾度呢喃過野塘棲止曾將金作屋
炎涼已覺扇藏箱新愁訴向衡陽雁舊夢空思海國王
莫向朱門尋故侶秋來草沒大功坊

木落天高夜擣衣三春景物已全非水晶簾捲聲猶在

玳瑁梁空影漸稀飄泊早成爲客計殷勤故向主人飛
雙棲記否東風裏掠水銜花願莫違
浮蹤冷落信堪憐舞榭歌樓起暮煙十里西風音下上
半簾涼雨恨纏綿喚回午夢非三月翦碎秋心又一年
明歲江南好風景差池重待落花邊

寒鴉

昏鴉幾度競紛飛似覺園林候已非瘦影遙從荒堞度
秋聲還向晚檣歸柴門一帶隨流水古塔三層挂夕暉
昨夜月明風露重繞枝何處可相依

春閨

辜負春光又一年難禁緒惹更情牽雲鬢未理睂痕淡

留待檀郎整翠鈿

寄外

暮春天氣困人時小倚闌干日影移欲訴離愁書不盡
但憑七字寄相思

七夕憶外

秋到天涯易斷腸歸期猶滯水雲鄉
癡心欲問錢塘路可似銀河爾許長
一病經秋瘦莫支那堪今夕倍相思
儂家聚散常無定不及雙星會有期
一逢佳節一霑裳會到雙星思更長
怪道箇人真箇巧年年今夕在他鄉

桐陰待月圖

涼意入庭戶梧桐一葉知
嫦娥不可見無限瑤華思
夜久銀河轉秋深玉露滋
清輝倘盈手珍重卷簾時
海上生明月君家東海頭
月華連水濶海氣極天秋
滅燭誰家院停琴何處樓
廣寒如可即吾欲續前游

寄題宋笙和女史

鸞音

天寒倚竹圖

愁來倚遍碧琅玕日暮蕭蕭袖影單
自是芳心甘淡泊不妨弱質太清寒
已無餘粒供飢鳳臘有殘箋託遠鸞
裊觸天涯淪落感人生難得是團圓

寓園漫興

時在諸暨

何處綢繆營燕壘頻年飄泊負鷗盟
園中蓄得雄雌兔

明歲還看小卯生

寄子繼

離情脈脈雨霏霏寶篆香銷嬾入幃幾度思君眠未穩
背燈空自淚沾衣

靜掩雙扉日未斜相思滋味萬重加增愁更有雙兒女
學語喃喃念阿爺

貧家井臼獨支持萬緒千頭祇自知回首細思臨別語
寬儂心事笑儂癡

相親相近又相逢辜負春光淚暗揮一語寄君休負約
碧桃花放盼君歸

張次芳女史屬題洛神便面

雲髻脩眉尚宛然舊時塵夢渺秋煙微波可許通枕素
與我三生有宿緣余舊藏洛神小像難中失去

感甄俗說久沿訛誰解孤臣託諷多千古靈均有同調
離騷求宓妃之所在即子建賦所本足證感甄之謬不應蜚語詆東阿

送次芳女史歸甯

翩然翠羽復明璫彷彿神遊洛水旁想見舟中風日好
簪花格寫十三行

記我慈闈別思諳年年烽火望江南羨君一笑歸帆早
纔賦關雎賦葛覃

題潯陽琵琶便面

荻花瑟瑟晚風嚴一片秋聲送客帆千古佳人感淪落

天涯誰爲溼青衫

顏君石樵以尊甫東籬先生所著東坡漁父詞眾香詞屬題

負才如海氣如虹翠管烏絲字字工傳得迦陵舊風格好憑鐵板唱江東

藕花深處記句畱回首錢塘憶勝游我讀先生射潮句

集中憶杭州舊游句云看錢塘潮響也曾親射暇則藕花深處坐曲水週遭圍碧濤聲如雨一鐙秋

紀夢

次兒延桂病逝三閱月矣昨夕夢兒如生時狀覺後痛而書此時壬戌十月十六日也

投懷恍惚喚娘頻夢裏承歡事豈真猶記去年今日否

爲兒沽酒祝花神

去冬兒出天花是日祝神

繞膝相依僅五年如何一旦隔重泉雄冠劍佩歸何處

能否三生證夙緣

偕外子避兵入楚舟中述懷

客路三千里離懷十二時塵容羞對鏡愁緒亂如絲骨肉無音問關山有夢馳慚君畫眉筆憔悴不堪施

一夜西風急天涯雁影分干戈方滿地弟妹各離羣別

淚燈前灑鄉愁枕上紛戎行須努力早晚盼青雲

痛絕童烏逝

謂桂兒

渠慧解從兄學清能讀父書揮戈與躍馬無復戲庭除

未是桑榆景先驚蒲柳秋此身如泛梗數口寄扁舟生計都羞澀長途苦滯留輕帆幸無恙徑指岳陽樓

宅後荆芥中幽蘭作花感而賦此

冰雪爲心玉作芽肯隨紅紫鬪春華幽芳祇合生空谷羞傍人間富貴花

村居見雙燕

也曾金屋穩棲身遠道相隨湘水濱潦倒情懷常作客炎涼風味是依人朱門自古深如海白屋由來別有春漫道封侯無骨相暫教蹤跡溷凡塵

乙丑上巳日喜外抵寓時客武岡

春光又屆采蘭辰怕見樓頭柳色新昨夜燈花何太喜

四千里外一歸人

不信泥金望竟虛果然魚目勝明珠塞翁失馬庸非福博得窮愁好著書

天寒翠袖獨離披病裏光陰強自支差幸知君有鮑叔謂彭琴齋鍾昆甫諸君天涯弱息仗扶持

怪道相逢一語無暫拋離緒話尊鱸自憐一病如秋草不意逢春又復蘇

代虎兒畱別都梁諸同學

鄧鳴之

鐙窗風雨共三秋欣幸芝蘭氣味投今日天涯揮手別雲山回首不勝愁

鄧子實

感君相送語依依屈指三年意不違猶記湘江同泛槳
慈雲千里一帆飛

鄧幼彌

絳帷幾度共春風再世論交氣誼通一旦分飛隔天末
雪泥蹤跡悵秋鴻
生年與子恰逢寅贈到將離倍愴神萬里青雲同有志
可容他日步芳塵

嚴益之

與君萍梗各天涯一櫂還歸何處家異日西湖重握手
孤山深處萬梅花

代呈鄧翼之太守

君方作客我還鄉一曲驪歌氣激昂他日洪都如駐纛
可容童子賦滕王

太守將赴江右戎幕

寄外子安慶

滿階風露雁聲酸客裏光陰柰影單但把心香爲君祝
歸帆一片是平安

茶煙

落花時節戶常扃幾縷疎煙颺午庭穀雨送將千點綠
棟風吹碎一簾青瓶笙聽罷香猶繞槐火煎餘夢乍醒
禪榻蕭閒無底事近來詩思轉通靈

詠物絕句

櫻

的皦兩三枝顆顆自相對滿園春色闌疑是珊瑚碎
風吹色更明雨洗光初透我欲打黃鶯誤認拋紅豆

筍

參來玉版禪頓悟紅塵破昨宵風雨多此君添幾個
出籬枝半疎穿壁節猶淺春來龍有孫又破一層蘚
署齋菊花盛開外子適襄校試院折枝相貽賸之

以詩

淡黃輕白帶霜開折取疎枝傍碧苔幾度喃喃向花約
幽香畱待可人來
忍寒強起出簾遲悄立花陰觸所思寄語封姨好相護

是日此花原是傲霜枝
大風

園菊初花清香可愛因仿大觀園十二題製爲小
詩和者許把酒持螯向花前一醉也

種菊

養花聊當養兒孫灌溉全憑雨露恩牆角籬邊栽處處
愛他秋色滿柴門

附和作

憶菊

子繼

故園花信爲誰遲簾捲西風動客思昨接家書促歸
權寒香纔放一枝枝

訪菊

次兕肇禮

新霜昨夜下庭柯阿母呼兒載酒過茅舍竹籬尋欲
遍不知秋色是誰多

簪菊

長女慧珠

秋光親摘向東籬冉冉幽香壓鬢欹早起粧成臨鏡
看一枝斜插可相宜

對菊

次女瑞珠

病起欣然一放懷時新病瘥數叢深淺細安排休言人
比黃花瘦我愛黃花瘦更佳

詠菊

大兒肇穀一名鏐

老圃芳容晚更奇沈吟檻外費尋思濡豪欲向風前
寫一片秋生絡緯籬

問菊

長婦趙智珠

消受金風玉露時丰標底事獨清奇含情欲向東籬
問可是人間第一枝

供菊

肇穀

几案新添一段秋膽瓶斜插數枝幽高標別有清芬
在凡豔休爭第一流

絕

木芙蓉與菊花齊放翠蓋紅粧掩映庭際更成一

朵朵輕紅麗晚霞重重錦障列周遮喚回春色秋光裏
鏡下應呼及第花

喜雪示諸兒女

鐙前兒女競喧譁柳絮才高羨謝家記得少年諸姊妹
寒宵呵凍寫梅花

江城一望浩無邊點點飛花軟似綿冷署圍爐煨榾柮
白頭喜見太平年

附和作

慧珠

遠山漠漠暮煙昏風雪闌珊正掩門我對寒燈思弱
弟擁衾今夜不曾溫

時三弟傳孫在郡齋讀書

瑞珠

開門頓失遠山青六出花飛夜未停獨耐嚴寒侵早
起曉窗呵凍寫金經

趙智珠

三千世界盡瓊瑤如畫江城入望遙昨夜飛鴻傳遠

信琪花玉樹徧金焦

時接六家叔來書知京口大雪

肇穀

怪底寒驚夢開門雪壓檐乍看飛絮積翻訝曉霜嚴
醞釀同雲布琤琮密霰兼連朝江霧重昨夜朔風尖
戶外俄堆玉空中忽撒鹽入泥憐皎皎匝地惜纖纖
巒嶂新容改樓臺舊跡淹竹梢青欲折梅蕊白初黏
解澤三農慰豐登隔歲占歡聲騰委巷喜氣到窮閭
杯綠堪消凍鑪紅不避炎詩情肩骨聳茶味舌根甜
公子貂裘擁高人鶴氅覘樓頭晨噪雀窗隙夜明蟾
釣艇江干艤吟鞭灞岸拈千邨皆墜戶一室獨垂簾

叢筆軒遺藁卷三
但覺塵襟滌何愁酒價添高歌應和我呵凍檢瑤籤

肇禮

早起開門雪滿山梅花雪後一枝殷共呼綠酒酬佳句博得高堂啟笑顏

叢筆軒遺藁卷三

儀徵孫采芙

閨中懷人詩二十五首

余遭逢多難飄泊異鄉游跡所至邂逅多一時
賢媛暇日各繫以詩前後共得二十五首此物
何足貴但感別經時拉襍書此聊以寄停雲落
月之思云爾

周氏姑母

一從分袂到今朝雁杳魚沈久寂寥說起當時花樣好
記曾窗下許同描

三姑 前在家時姑與余同飯依 觀音大士

雲泥路隔信音遲脉脉頻勞靜夜思月下焚香階下拜
此心常憶未歸時
半簾涼月夜悠悠故國翻增異地愁剔盡殘燈思往事
性情空說最相投

三嫂

芍藥曾經贈一枝愛才應悔識君遲金閨倘許稱知己
莫寄魚書只寄詩
別來終日奈愁何在再年華感逝波尋夢幾回思閉戶
隔窗偏惱鳥聲多

十一姊

關河迢隔到于今倚枕空勞夢苦尋欲取瑤琴彈一曲

賞心無復有知音

姪婦

獨倚高樓夕照斜傷心骨肉各天涯近來若問閨中事
夜夜常還夢裏家

歙鄭子安女史

闌干倚徧暗低徊無限離愁撥不開多謝故人能愛我
一千里外寄書來

二妹 時避兵泰州

無端雁序忽驚秋躑躅東西溝水流欲向江南望江北
滿天烽火是揚州

保母張媼

生小嬌憨倚母慈恩勤顧復到今茲一盂麥飯澆何處
愧讀義之保母碑

舅母吳宜人 癸卯過訪於涇上寓齋

送抱推襟慰我愁渭陽高誼歎無儔桃花潭水深千尺
鮒鮒絕勝平原十日留

蘭溪徐冷香女史

身世飄零百感中唾壺擊碎淚珠紅獨將肝膽酬知己
直使鬚眉拜下風

溧陽繆武烈公室王太夫人 曩客越州時深蒙

垂眷

指囷不吝爲憐才弱艸深叨雨露培回首越王城上望

慈雲朵朵近蓬萊

溧陽史湘齡大令母陳太宜人 所居爲史文靖

公舊第與余有同居之約

貧家珠柱仗扶持冷暖相關憶昔時聞道平泉花木勝
鷓鴣容借一棲枝

上虞鄭玉音女史

候潮門內對門居碧玉盈盈十六餘漫道年年壓鉞綫
相逢剛試嫁衣初

陽湖孫孟仁二尹室謝孺人 爲淵如先生孫婦

名門風調自翩翩孔李通家證夙緣欲問五松園舊址
吉金樂石盡秋煙

連平顏星厓大令室林宜人

蓬門頻駐碧油車
春色平分處
士家南望嶺雲千里隔
可逢驛使寄梅花

武岡鄧彌之觀察室唐恭人葆之觀察室陳恭人
曩客武岡時蒙茶人似姊維繫良殷

天涯三載鎮相依
唱到驪駒未忍違
極目長沙秋色遠
寸心應逐雁南飛

寶慶鄧母劉孺人 傳兒生於寶慶府居停劉孺
人姑婦二人殷勤調護不異姻親慕西湖之勝
暇輒邀余談杭州故事

萍蹤暫寄若浮鷗
湯餅筵開誼獨周
斗室一鐙紅似豆

泥人深夜說杭州

溧陽王西垞大令室宋宜人 諱鸞音字笙和辛

酉杭城失守宜人步至觀橋投水以殉

管鮑論交已寂寥
葬身魚腹恨難消
年年寒食錢唐路
篝火宵深上觀橋

嘉興杜小珊主簿室 孺人 舊宅在嘉郡城內
與范少伯祠相近余嘗僦居於此經難後孺人
全家俱盡

少伯祠邊寄一椽
爭誇眷屬是神仙
舊時樓閣今何在
鬼餒墳頭叫杜鵑

餘姚周雙庚文學室何孺人 在越時嘗共宅

而居

浮家同住越溪邊
矮屋鐙昏對榻眠
一自滄桑經變幻
天寒翠袖更誰憐

王西垞大令繼室吳宜人 己巳秋余偕外子赴

宣州適宜人由武康晉省兩舟相遇匆匆話別

不意遂成永訣

伯勞飛燕各西東
疑是瑤臺月下逢
不分彩雲容易散
停舟一晤惜匆匆

侯官孫谷亭太守室李恭人

仙骨應披一品衣
能銷艷福似君稀
年年陌上花開日
常送香車緩緩歸

宿艸晨星總斷魂
停雲落月我思存
臨風欲把離愁訴
落葉蕭蕭正掩門

附文四首

禱 大士疏

伏以蔭慈雲於大地
火宅晨涼曜慧日於康衢
重昏夜曉是以菱艸獲再鮮之澤
落葉蒙重榮之恩竊某痛念
亡男肇履生具宿根
早徵吉夢依依懷抱
僅闔五年擾擾兵戈
備更百苦祇緣某罪深孽重
災及嬰孩遂致二豎爲妖
絲難續命重泉永隔香乏返魂
曷勝玉折之悲彌切珠還之願
茲者恭逢佛誕聖節謹立願寫
金剛般若波羅蜜經十卷允發誠心
懺除宿孽伏冀慈航普度

甘露宏施俾超九叔之身重證三生之果庶鮑靚再世
知墮井之前因羊祜復生駢探銀於來歲某誠惶誠恐
拜手稽首不勝虔禱之至同治癸亥六月十九日謹疏

宮閨叢話序

先茗溪公取有宋元祐以後詩話及史傳小說所載事
實可以發明詩句及增益見聞者纂爲漁隱叢話前後
集共一百卷

國朝采入四庫久已流布藝林采芙幸沐清芬私深鑽
仰暇日與外子子繼披閱南宋以迄我

朝諸公詩話傳記見有涉婦女者輒爲摭錄其體例畧
仿先公之舊名曰宮閨叢話非敢云繼先志第以備閨

閣中之觀覽而已咸豐庚申遭粵匪之難流離遷徙書
籍散亡舊藁盡佚今幸寇氛漸淨言旋故鄉尙思與外
子子繼杜門卻掃重理舊業如先公所云命益蹇身益
閒得以編次終日明窗淨几目披手鈔以成一書則餘
生之厚幸矣同治乙丑立秋日茗溪二十四世孫婦孫
采芙識

弔王母宋宜人文王西垞大令室

嗚呼歷古今之浩劫兮疇璧碎而瓦全維夫人之就義
兮乃身殉而名傳揚烈芬於委灰兮發繁音於絕絃既
視死而如歸兮初何計乎探湯與蹈淵緬婉婉之淑質
兮允宜家而宜室方藁砧之遠出兮遂代盡乎子職念

白髮之皤皤兮願長依乎愛日苟一食之不甘兮惟我
心之戚戚繫管鮑之訂交兮篤素誼於苔岑誓死生之
不渝兮曾莫逆乎寸心實閭內之助勦兮瀝肝膽而披
忱憫唐衢之不遇兮終潦倒乎一衿蘇困鱗於涸轍兮
盼捷報於泥金胡斯人之坎壈兮違巾幘之知音乃涓
埃之未荅兮遽抱慟於人琴昔弭節於瀨陽兮遂迎門
而倒屣甫傾蓋而如故兮溯通家於孔李俄風鷁之驚
傳兮值四郊之多壘爰艤舟於蒼雪兮若鱗魚之銜尾
旋電散而蓬飄兮寄芳心於千里迨西泠之重聚兮雜
離合以悲喜悵朱顏之憔悴兮惜流光於逝水詎一見
而永訣兮倏判然而人鬼憶雙珠於掌上兮方學語之

牙牙締新盟於蘿薦兮申宿契於葶蔕忽罡風之吹墮
兮悲一現之曇花嘆蘭因與絮果兮悉委化於蟲沙聞
惡耗而狐疑兮徒飲泣於天涯當粵寇之鳴張兮望紙
鳶而信斷丁陽九之厄運兮混淄澠而一亂憑一死其
何辭兮笑倉皇之鼠竄指白水以爲期兮奮輕軀於澤
畔昔共姬之待傅兮甘煨燼而必果等從容而赴義兮
又何分乎水火合千載若符節兮視頂踵猶塵壤甯葬
身於魚腹兮痛馬革之未裹猗精衛之含冤兮眴五易
乎星霜適妖氛之埽盪兮溯歸帆於沅湘復入門而踐
室兮光景在而人亡還精靈於魂夢兮訝音容之慘傷
感平生之摯誼兮淚流袷以浪浪奠椒漿與桂酒兮蘇

一瓣之心香靈連蜺兮既來心鬱紆而旁皇

祭汪母陳孺人文 婺源汪莊甫廣文室

猗惟孺人名門慧質少侍椿闈舟車南北閱厯滄桑榮
煢靡適風蕩波淪藐然弱息于歸廣文井臼親持中饋
綢繆朝鹽暮蘂淡泊自甘勞瘁弗辭秋菰春韭老圃生
涯咄嗟而辦嘉薦孔時北海尊開一座解頤惠周鄰媼
不吝解推慷慨激烈巾幗鬚眉用相夫子好篤苔岑獨
垂青眼別有賞心疴癢相關誼重情深庶膺景福迭荷
綸音如何不祿疾疢侵尋日朏月削壁碎珠沉昔
在孟春籃輿戾止童稚趨迎歡然倒屣勸母加餐爲進
一匕執手歔歔言猶在耳曾不匝月倏然人鬼斯人斯

疾亡之命矣遺挂在壁總帷空張升堂入室景在人亡
九原有知魂魄悽愴何以奠之桂酒椒漿靈兮連蜺來
格來嘗

